

Inatsisartut suleriaasiat § 32 naapertorlugu Inatsisit atortinneqarnerannut ataatsimiititaliami ilaasortat matumuuna aalajangiiffigisassatut siunnersuut saqqummiuppaat:

Inatsisartut Ombudsmandiata 2009-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersut.

(Inatsisit atortinneqarnerannut ataatsimiititaliap siulittaasua Isak Hammond, Inuit Ataqatigiit, Inatsisit atortinneqarnerannut ataatsimiititaliami ilaasortaq Andreas Uldum, Demokraatit, Inatsisit atortinneqarnerannut ataatsimiititaliami ilaasortaq Harald Bianco, Inuit Ataqatigiit, Inatsisit atortinneqarnerannut ataatsimiititaliami ilaasortaq Doris Jakobsen, Siumut, Inatsisit atortinneqarnerannut ataatsimiititaliami ilaasortaq Anders Olsen, Siumut)

Tunngavilersuut:

Allaffissornikkut aqtsinerup inatsisini sinaakkusiusat iluanni kiisalu ingerlatsivinni inatsisitigut malitarisassat iluini ingerlanneqarnissa pillugu Inatsisartut inatsisiliortutut Ombudsmandi nakkutiliisussatut suliaqarnissaanik pisussaaffilersippaa. Taamaalluni Ombudsmandi Inatsisartut Naalakkersuisunik nakkutiliinerannut sakkuuvoq, kisiannili aamma nunap inuttaasa eqqartuussiveqarnikkut illersugaanissaannut qulakkeerinittuulluni. Ombudsmandi taamaalluni tassaavoq *Inatsisartut innuttaasullu* ataatsimut Ombudsmandiat.

Inatsisartut Ombudsmandiat ukiut tamaasa Inatsisartunut nalunaarusiortarpoq, tassa ukumi qaa-ngiuttumi Ombudsmandip suliarisarsimasani nalunaarusiaralugit.

Ataatsimiinnermi tessani Inatsisartut Ombudsmandiata ukiumoortumik nalunaarusiamni imarisataa ilaanik ataatsimiititaliamut immikkut soqutiginaatillit ataatsimiititaliamut paasissutissiissutigineqarput.

Ukiumoortumik nalunaarusiaq siunissami atuakkatut saqqummersittanngikkaluarlugu CD-ROM-inngorluguli tamanut ammasumik saqqummersittalernissaa periarfissaasoq ataatsimeeqatigiinnermi Ombudsmandip inatsisit atortinneqarnerannut ataatsimiititaliamut saqqummiuppaat. Tamanna avatangiisit illersorneqarnerannut iluaqsiiginnarnavianngilaq aammali nunatta karsianut ukiumut 200.000 kr. missaannik sipaaruteqaataasinnaalluni. Inatsisilli atortinneqarnerannut ataatsimiititaliap apeqput taanna suli inaarutaasumik isummerfiginngilaa.

Ombudsmandi pillugu inatsisikkut nutaakkut ukioq manna jannuarip aallaqqaataaniit atuutilersukkut massakkut suliassaareersut saniatigut Ombudsmandi suliaqarfimmik allamik suliassaqalerpoq, tassalu: Naalliutsitsisarneq allatullu peqqarniingaartumik, inuppalaangnitsumik imaluunniit nikanarsaataasumik pinnittarneq imaluunniit pillaasarneq akiorniarlugu Naalagaaffiit Peqatigiit isumaqatigiissutaannut ilassut nammineq piumassuseq tunngavigalugu ilannguffiqeqarsinnaasoq tunngavigalugu “Nuna Tamakkerlugu Pinaveersaartitsisutut Suliassaq”. Taamaattumik Ombudsmandip suliaasailaat nutaaq taanna siunissami Ombudsmandip ukiumoortumik nalunaarutaani ilanngunneqartalissanersoq imaluunniit immikkut nalunaarusiuunneqartalissanersoq inatsisit atortinneqarnerannut

ataatsimitialiap isummerfigeqqaassavaa. Taamaalillunissaq apeqqut taanna Inatsisit Atortinneqarnerannut Ataatsimiititaliap inaarutaasumik isummernissaanut utaqqimaarunneqassaaq.

Ombudsmandip 2009-mut ukiumoortumik nalunaarusiaani – maannamut pisarnertut – suliat arlallit malittarisassatut tunngavimmi namminermi imaluunniit malittarisassat allaffissuutigineranni kukkunernik amigaatinillu nalunaarutigineqarsimasut ilanngunneqarsimapput.

Aamma minnerunngitsumik sulianik suliarinnitarneq pillugu inatsimmi aamma pisortat ingerlatsineranni najoqqutassani nalinginnaasuni pisortatut oqartussat pisussaaffii inatsisitigullu tunngavigeqqusat allaffisornermi oqartussat maluginiassagaat ukioq manna nalunaarummi pingartinneqarpoq. Tassani pisortatut oqartussat paassisutissiisussaatitaanerat ilitsersuisussaatitaanerallu assersuutitut erseqqissarneqassaaq, taassumami malinneqarnissaa innutaasunut aanma pisortatut oqartussat tatigineqarnissaat eqqarsaatigalugu pingaaruteqaqimmat.

Ukiumoortumik nalunaarusiamissaaq uagut inatsisiortutut erseqqarluttunik malittarisassiunnginnissarput anguniartuassallugu pingaaruteqarpoq.

Taamaalilluni innutaasut piginnaatitaaffitsigut isumannaatsutinnissaat pisortatullu oqartussat suliassaminnik suliarinnittarnissaat nukittorsartuarneqaqqullugu anguniagaqarnitsinni ukiumoortumik nalunaarusiaq sakkutut ikuuititullu atorneqarsinnaavoq.

Taamatut oqaaseqarluni Inatsisartut Ombudsmandiata 2009-imut nalunaarutaa pillugu siunnersuut Inatsisartunit tusaatissatut tiguneqartussanngorlugu Inatsisit Atortinneqarnerannut Ataatsimiititaliap isumaqtigittup saqqummiupaa.

Ilanngulluguttaaq Inatsisartut Ombudsmandiat 2009-imi suliaanut annertuunut Inatsisit Atortin neqarnerannut Ataatsimiititaliap qujassuteqassaaq.

Akuerineqarpoq ulloq 22. oktober 2010.